



Nermin Podacić

Plàni akciaqo vaś o laćharipen e Rromenqe aj e Sintenqe situaciaqi and-i zòna OSCE

OSCE
ODIHR

So si jekh Plàni Akciaqo?

Jekh plàni akciaqo del jekh lista principenqi pala save si te phirel pes ande jekh buti so kerel pes. Butivar e Thema labàren e plàne e akciaqe vaš verver sociàlo problème, sar o çorripen ja o rasizmi, no vi aver grùpe šaj te oven akharde kotar e plàne e akciaqe te keren gasavi aj gasavi àkcia, sar misalaqe e kliste, e prokuròrà aj e krisàrne; e siklárne; e žurnalistà; e somžene e bi-raipnikane aj e maškar-raipnikane organizàcie.

Vasno si te zanel pes so jekh plàni akciaqo naj thami dutàni, savi del juridikane obligàcie. Čačas jekh plàni akciaqo kamel te lačharel o živipen e manušenqo, a palpàlem ov na del juridikane xakaja khanikasqe.

E OSCE-aqe Akciaqe Plàne

- * Plàni Akciaqo e Bukureštesqo vaš o maripen mamuj o terorizmi (2001)
- * Plàni Akciaqo vaš o lačharipen e Rromenqe aj e Sintenqe situaciaqi and-i zòna OSCE (2003)
- * Plàni akciaqo mamuj o trafiko e manušenqo (2003)
- * Plàni akciaqo vaš i promòcia e barabaripnasqi maškar e linga (2004)



Vladimir Cvejic

Res aj objektive

O Plàni e Akciaqo:

- * Kamel te siguril so e Rroma aj e Sinte si dino zor te len kotor pherdes aj barabar and-o dostipen aj te khosel i diskriminàcia mamuj lenŕe.
- * Si bazuime p-e angažaimàta e OSCE-aqe aj p-i maškarthemutni aj regionàlo thami, maj anglal p-i Maškarthemutni Konvència pal o khosipen sa e diskriminaciaqe formenqi, sar vi and-e praktike so ekzistuin p-e Rroma aj e Sinte; thaj
- * Si te ovel čhivdo and-i praktika kotar e Thema somdasne khetanes e OSCE-aqe institucionçar.

Plàni akciaqo vaš o lačharipen e Rromenqe aj e Sintenqe situaciaqi and-i zòna OSCE

E OSCE-aqo akciaqo plàni vaš e Rroma sika-vel e raimàta sa e 56 somdasne Themenqe so si and-i OSCE sar te vazden lenqe stratègie vaš te khosen e konsekvèncie e diskriminaciaqe mamuj e Rroma, e Sinte aj aver phandle grùpe. Akaja diskriminàcia si buxli aj anel bibarabarimàta save čhiven e populàcie rromane aj sintikane ande phare situàcie vaš te len kotor pherdes and-o politikano aj publiko živipen, te ovel len dromandre barabar averençar and-e sociàlo servise, aj te ovel len vipal ekonomikane žajimàta sar vi e avera.

‘E Rromenqe, e Rromençar’

E Roma khelde jekh pherdi ròla ande sa e fàze – preparàcia, adòpcia, aj implementàcia – e Akciaqe Planesqi, aj akava dikhòl and-o dùjto titlo e dokumentesqo: “E Rromenqe, e Romançar”.

O Plàni e Akciaqo akharel vaś partnariàti e romane grupençar and-i implementàcia sa e aktivimatenqi so ka oven vaś o çhivipen and-i praktika e Planesqi.

Generàlo kontèksti

Sarkon politika aj stratègia e laqe implementaciaqi si te kerel pes aj te çhivel pes and-i praktika e aktivone Rromençar aj Sintençar, çhivindor speciàlo o çalno p-o kotorlipen e zuvlènqo.



Vladimir Masura

Kontaktesqi Viramlin vaś e Rromane aj Sintikane puçhimàta

E ODIHR-esqe Kontaktesqi Viramlin vaś e Rromane aj Sintikane puçhimàta lias i dirèkcia and-o zamavipen e Akciaqe Planesqi kotar o berś 2001. Kotar o 2003, kana sas adoptisardo o Plàni, e Kontaktesqi Viramlin kerda buti te del vast e somdasne Thema aj e bi-raipnikane organizàcie te çhiven and-i praktika o Plàni e Akciaqo, aj vi dias vast and-o paruvipen e informaciaqo aj e laçe praktikenqo. I Viramlin si dutàni te kerel rapòrti sar e somdasne Thema dikàrde lenqi vòrba so die and-o Plàni e Akciaqo, aj te undàrel len, kana trebul.

Maj vasne akciaqe umala pal-o dikhpen e Akciaqe Planesqo

Mamuj o rasizmi aj i diskriminacia

E somdasne Thema si te len akcie and-e umala maj tele:

- Legislacia aj aplikacia e thamaqi
- Policia
- Mas-Medie

Vas e socio-ekonomikane puchimata

Te promovin e xakaja e Rromenqe aj e Sintenqe aj te maren i marginalizacia, e umala maj tele si te kerel pes buti pe lenhe:

- Kheripen aj zivipnasqe kondicie
- Bibutarijen aj ekonomikane probleme
- Sastarijen

Maj lacho dromandre and-o skoluipen

E somdasne Thema si te promovin i participacia and-i skola, te maren pen mamuj o analfabetizmi, aj te keren politike vas te bangaren e praktike e segregaciaqe, lindor e Rromen aj e Sinten and-o generalo

skoluipen aj dindor len pherdo aj barabar drom-andre ande sa e nivela, dikharindor and-i godi vi e kulturalo diference.

Buxlarijen e kotorlipnasqo and-o publiko aj politikano zivipen

E somdasne Thema si te den dumo o xakaj e Rromenqe aj e Sintenqe te votonen, te den pen kandidata and-e alosarimata, te len kotor ande publiko buta, aj te vazden politikane partie bi diskriminaciaqe. E Thema somdasne si dine zor te len butate skoluime Rromen aj Sinten, maskar save vi terne rromen aj rromnen, and-e butaqe thana kaj te len pen e politikaqa pal-e rromane problematikaqa.

E Roma aj e Sinte and-e krize aj pal-e krize

E somdasne Thema si te sigurin so, and-e situaciaqe e krizenqi ja pal e krize, sa e bazikane xakaja, maskar save e xakaja e

nasutnenqe, si sigurime i diskriminaciaqe.

Buxlipen e sombutipnasqo aj e koordinaciaqe avere maskarthemutne aj biraibnikane organizacienqar

O ODIHR si te zorarel pi kontribucia and-e aktivimata e informalone Kontakesqe Grupaqe, e Rromenqe aj e Phirutnenqe Forumesqere, e Maskarthemutne Rromane Kontakesqe Grupaqere, aj avere relevantone maskarthemutne organizacienqe.

Implementacia: parivupen aj evaluacia

O Plani e Akciaqi si te oven paruvdo and-e bersutne Kidimata e OSCE-aqe pal-i Implementacia e Manusikane Dimensiaqi, ande aver relevanto ondimata e OSCE-aqe aj ande regularo intervale kotar o Permanento Sombes e OSCE-aqe.

VAŠ MAJ BUT INFORMACIE, LEN KONTAKTI AKATE:

OSCE Office for Democratic Institutions and Human Rights
Contact Point for Roma and Sinti Issues

Al. Ujazdowskie 19

00-557 Warsaw

Poland

Tel.: +48 22 520 0600

@-lil: Roma@odihhr.pl

Rinchibaripen kerdo kotar o Saimir Mile

Faksi: +48 22 520 0605

www.osce.org/odihhr

